

《那時的感覺》

梁永康

角色：

餐廳老闆（毅行叔）

男作家（森豪）

男作家女朋友（小藍）

男教師（一凡）

女酒店服務員（美嘉）

男教師前未婚妻（小玲）

家庭主婦（王太）

第一幕：

餐廳中

小藍：可唔可以和好呀？

森豪：你終於肯出聲講野嘢？

小藍：我有咩唔好嘅地方我會改。

小藍：我淨係想我地可以繼續落去。

小藍：就算你出邊有女人，我都可以當睇唔到。

小藍：你聽唔到我講野呀！？出句聲啦！

森豪：老闆，唔該幫我埋單。

毅行叔：多謝你四十蚊。

小藍：你而家係咪想逃避呀！？

森豪：一對點靚嘅鞋，尺寸唔岩根本就著唔到。你對我黎講就係咁。

毅行叔：多謝幫襯！

小藍：你企係度！你根本就唔係冇勇氣去鍾意人，你係怕自己到度最後會受傷害先係度逃避！

森豪：你真係好煩！

森豪：我老實同你講，我從來都有鍾意過你，因為你之前被人飛，我先可憐下你咋。哈！你竟然咁天真以為我同你係認真架！？你用下你個豬腦諗下，你點襯得起我呀！

小藍：（拿起桌上的一杯啤酒潑過去）你好過份呀！

森豪：百婆！我件西裝好貴架！（給了她一記耳光）

小藍：（捉住森豪的西褲）

森豪：你賴死呀！？快啲放手呀！

王太：（對老闆及一凡細聲道）你地快啲去阻止佢啦。

一凡：（繼續改學生的習作簿，裝作聽不到）

毅行叔：先生，請你停手啦。你係度咁樣會影響到其他客人食野架。

森豪：咪嘈！我同我收聲！

毅行叔：係……係……小藍：好痛呀！

森豪：你仲唔放手喎！

美嘉：（想出聲又不敢，拍拍一凡示意他出口阻止。）

小藍：（突然飛撲到一凡背後）救命呀！救我！

一凡：喂……喂……喂……你小心我啲簿呀。

森豪：你做咩呀！你同我行過黎！

小藍：唔好呀！

一凡：（被騷擾改習作，終於忍不住說）喂……喂……先生，你覺唔覺自己咁樣好過份呀？

森豪：你乜水呀！？你想做嫁梁呀！？

一凡：（有點害怕）你咁樣男人打女人好似唔係咁好……

森豪：你而家同我講道理！？你做教書架！？

一凡：我係呀……

森豪：你既然係阿 sir，就應該去擔心下你啲學生啦。就係你地呢啲咁懶既老師冇教好啲學生，搞到而家啲學生有咁多問題！

一凡：（憤怒）先生你等等，你咁講咩意思呀！你知道你武辱緊我嘅教學理想！

森豪：（突然臉上起了笑容）好！cut！

一凡：咩話！？

森豪：唔好意思，頭先同你講下笑。哈哈..哈哈..！

森豪：我地係度做戲呀！係咪好好演技先？

小藍：係呀……我地頭先係做緊戲，sorry 呀！

森豪：其實我地想知道係一對情侶嗌架個陣，大家會有咩反應啫。

小藍：唔好意思呀，阻到你地食野添。

（眾人呆滯無言）

一凡：你地……做咩要咁玩人？

小藍：冇呀，覺得好玩咪玩囉。

一凡！就係因為咁！？

森豪：係呀。正所謂人生如戲嘛。每個人都會有自己既角色。你就係老師啦。個邊果位就係家庭主婦。

森豪：（望向毅行叔）佢就係熱心既老闆。

森豪：（再望向美嘉）呢位小姐..請問你扮演緊咩角色呢？

美嘉：吓……（無言）

森豪：..我地行啦。

小藍：嗯。呢度係埋單嘅錢。

毅行叔：多謝幫襯。

森豪、小藍：（嘻嘻哈哈離場）

毅行叔：咁多位..真係對唔住..

王太：果兩個人真係..話而家啲學生有問題，佢地自己咪仲有問題。

一凡：其實佢地都講得冇錯，而家嘅教育制度淨係注重學術上嘅學習，搞到學生都有好大壓力。你睇下我啲學生嘅習作分量幾多就知。我身為老師明知咁係唔好，但都無辦法。如果唔係咁，佢地可能會追唔到其他同學。唉，我地呢啲老師空有教學理想但係都好似冇用咁。

王太：你唔好咁講自己啦。你啲學生有你呢一位好老師肯定會獲益良多。不過係呢個壓力咁大的教育制度，我都唔多點迫個仔。由得佢自由學習、自由成長，讀書讀得開心先係最重要。

一凡：最弊唔係個個家長好似你咁開通。好多家長非常緊張子女的學業，要佢地補習啦，又成日投訴質疑教師嘅能力，搞到我地老師都要去考試。一邊要應付教書，又要應付考試。唉，我地啲老師同啲學生一樣咁辛苦，都咪話唔大壓力。

王太：頭先見你咁激動，就知你教書壓力大啦。得閒放鬆一下自己，如果唔係好易會有精神病架。

一凡：（對著厚厚的習作簿苦笑）哈..係呢個教育制度下都幾難有得輕鬆。

王太：盡力做好自己嘅本份就夠啦。我走先啦。唔該埋單。

毅行叔：多謝三十五蚊。

王太：記住唔好太緊張啦。BYE BYE。

一凡：BYE BYE。

王太：（離場）

一凡：我都要埋單啦。

毅行叔：多謝你三十七蚊。

（正當一凡想離開）

美嘉：先生！你留低左袋野係地下呀。

一凡：（看了看，發呆了一會。）

一凡：個袋野冇用啦……就送卑你啦……

美嘉：咩話！？

一凡：我拎番都有用啦..。

美嘉：你唔係要買黎送卑人架？

一凡：而家想送都送唔出..

（一凡離場）

美嘉：（打開袋子一看）呀！係呢對鞋！我仲要草多兩個月錢先夠錢買..哈..！

美嘉：（她再看旁邊的卡片）

美嘉：未婚妻小玲！？

美嘉：．．．．咁重要嘅一對鞋要即刻還番俾佢。

美嘉：（什麼也不想就衝了出去）

毅行叔：小姐！小姐！你仲未埋單呀！

第二幕

美嘉：（邊飛奔出門口邊大叫）咪走住呀！咪走住呀！

美嘉：（在門口外望向兩邊）有冇搞錯，有冇走得咁快呀..

美嘉：（望向左邊）好，行呢邊博一博。

美嘉：（不斷走，走了數個街口）嘎..嘎..嘎..嘎..

美嘉：（停了下來）咁都追唔到佢..

美嘉：（望著路邊車上的玻璃，頭髮散亂的樣子）我係度做咩呀..搞到自己成個傻婆咁..我做咩要著緊一個陌生人！？我每日咁辛苦執房都係想賺錢買自己鍾意嘅野姐，而且唔駛錢就得到真係執到寶啦！

美嘉：都係返屋企啦！係度曬晒啲時間。

美嘉：（邊行邊看著那對高跟鞋）諗下諗下又唔係啲..個老師點解無啦啦唔要呢對鞋？佢地就結婚..唔會又係個啲婚前又出現問題掛？對鞋咁貴，個老師應該好緊自己個未婚妻。個老師份人咁好又咁盡責，對鞋仲要咁重要，我都係還番卑佢好啲。

美嘉：（再凝望那對高跟鞋）如果我有個咁緊自己嘅人就好啦..咦..我傻左呀..？做咩係度自己同自己講野..都係返屋企啦..

美嘉：（離場）

（一凡從台另一邊入）

一凡：（拿著手提電話）小玲有冇黎過你度呀？

電話中的人：冇呀，你地冇野下化？

一凡：哦..冇事，唔該你先，係咁啦，BYE BYE。

電話中的人：好啦，BYE BYE。

一凡：連最後一個小玲嘅姊妹都搵過都搵唔到，佢唔係真係咁恨心掛..

一凡：唉..唔得，聽日要去小玲屋企等佢返黎問清楚..

（一凡沒精打彩，低著頭離場）

第三幕

公園中只有昏暗的燈照著

（小藍和森豪正在公園中散步著）

小藍：頭先係餐廳真係好好玩，嘻嘻！

森豪：係呀，睇住啲人嘅反應就已經夠晒過癮啦。

小藍：下次搵過第二野樣黎玩。

森豪：嗯，平時啲生活咁苦悶，有時玩下啲刺激啲嘅野都唔錯。

小藍：有我日日陪住你都話悶？

森豪：哦..我都唔係咁嘅意思。

小藍：（很認真地）你講，你係唔係唔鍾意我？

森豪：吓……我……唔係呀……

小藍：哈！我講下笑咋！睇下你個樣，哈哈！

森豪：（冷淡地）你又整估我。

小藍：你好玩我先整估你咋，你咪咁啦。

森豪：（不愉快的樣子）

小藍：而家係咪玩罷先？咪咁啦，笑下啦！

森豪：你咪煩我啦！

小藍：駛唔駛咁惡呀？好啦好啦，我唔玩啦。我想問呢..頭先你果句“我從來都有鍾意過你”好似都有係原先嘅對白裡面？

森豪：哦……個句……個句係即興加落去姐，感覺可以自然啲。你果句“你肯本就唔係冇勇氣去鍾意人”夠係即興啦。

小藍：我覺得加左會更加迫真咪下落去囉。

森豪：嗯，你可以即興加台詞，都算有天份。

小藍：緊係啦，我跟得你呢個名作家多姐。

森豪：呀！突然有靈感，我要即刻返去寫野先得。

小藍：吓..你咁快走呀..

森豪：係呀，靈感可遇不可求，係咁啦。

小藍：咁你快啲返去啦，返到去記住打個電話卑我呀。

森豪：嗯，係咁我走啦，BYE BYE。

小藍：BYE BYE。

（森豪離場）

小藍：今日森森唔多出聲又惡，怪怪地咁嘅。

第四幕

一星期後的一個晚上，美嘉又來到了這間餐廳等那位老師一凡的出現。

（美嘉進場）老闆，我又黎啦。

老闆：你今晚又黎，真係有恆心。

美嘉：咩呀..無計啦，都未還到對鞋卑個老師。

毅行叔：一睇就知你對人地有意思啦。有志者事竟成，你實會等到嘅。

美嘉：你咪亂講呀。不過成個星期都唔見個老師，之前我成日都見到佢係呢度改簿架，佢呢個星期唔通太忙，連飯都唔得閒食？

毅行叔：嗱嗱嗱，仲話你唔係鍾意人，你做咩會咁留意、咁關心佢先？

美嘉：你仲講嘢，就算係呀，我都有機會啦。人地有未婚姻妻架。

毅行叔：嘩，連人地有未婚妻你都知咁犀利！？不過話明未婚你就有機會啦。

美嘉：唔好再講我啦，不如講下你啦。我黎左咁多晚都唔見你老婆嘅？

毅行叔：哦，我地好耐之前離左婚。

美嘉：吓……唔好意思呀。

毅行叔：你唔駛道歉啦，都過左咁多年。

美嘉：你唔好怪我多事，我想問下呢..你地點解會離婚嘅？

毅行叔：你真係幾老實不客氣，其實呢我都唔知咩原因。佢都同我捱過世界，應該唔會厭我窮。可能係頂唔順我啲性格掛。

美嘉：有咩唔鍾意咪出聲講囉。

毅行叔：弊就係弊係呢度，佢同我都係唔多鍾意出聲果類人。

美嘉：唔係呀，你而家真幾好傾呀。

毅行叔：人老左會變呀嘛，哈哈！

美嘉：咁你有冇諗住搵番個？

毅行叔：冇啦，而家呢間餐廳係我全部生命。

（一凡進場）

美嘉：呀！

美嘉：歡迎光臨！

一凡：你地好。

毅行叔：（望向美嘉）都話有志者事竟成架啦。

美嘉：你咪嘈！

一凡：你地講緊咩呀？

美嘉：吓..冇野呀。

毅行叔：我唔阻你地傾噏。哈哈！

一凡：你地兩個咁熟嘅？你地識左好耐架？

美嘉：吓..唔係呀。你呢個星期好忙呀？都唔見你嘅？

一凡：係呀，呢排個校長唔知做咩，日日都叫啲老師開會，真係離晒譜。咪住先，你點知我成個星期冇黎過嘅？

美嘉：呀..我晚晚都黎食野架嘛。前幾日都見唔到你咪估你冇黎囉。

一凡：啊。咦？呢個咪我上次送俾你果對鞋？

美嘉：呀..係呀，我還番俾你啦。

一凡：送左卑你就係屬於你架啦。

美嘉：咁貴重嘅野都係還番俾你好啲。你唔係要送卑未婚妻嘅咩？呀！弊..

一凡：你睇到個張卡呀？無所謂啦。但係你唔會咁啱帶住對鞋又撞到我掛？

美嘉：哈！卑你識穿左添，不過唔好意思呀。

一凡：唔緊要啫，而家都無所謂啦。

美嘉：唔通你地...

一凡：嗯，散左啦。

美嘉：真係架？

一凡：嗯，講起黎都唔知好嬲定好笑。我前排搵左佢好耐，有一日打電話終於搵到佢啦。佢話要出黎講清楚，我咪赴約囉。

美嘉：肯定係講想分手啦。

一凡：嗯。

小玲：（進場）

一凡：終於都見到你啦，你知唔知我搵左你好耐呀？我地就黎結婚啦，但係你無啦啦又玩失蹤喎，你知唔知你真係嚇死我呀。你係咪有咩困難呀？你可以同我講架。

小玲：今日出黎就係要同你講清楚。

一凡：咩事呀？

小玲：我地分手啦！

一凡：你講咩呀？咪玩啦。

小玲：我唔係玩，我而家好認真。

一凡：（驚訝，一時間不知說什麼好）下..點解呀..？係咪我做錯野，我可以改架。

小玲：你有做錯野，你仲對我好好，應該會係一個好丈夫。

一凡：咁咪係囉，咁做咩要分手？

小玲：我想問你一個問題，你知唔知我個夢想係咩？

一凡：吓……你都有同我講過？

小玲：我個夢想係模特兒。

一凡：咁你真係有講過嘛..

小玲：我有講你都可以問我掛。你連自己個女朋友嘅夢想都唔知，我想問你有冇真係關心過我？

一凡：咩冇呀。我幾時都隨轉隨到，你鍾意咩都會買俾你。我咩都就晒你啦。

小玲：就係啦。你咩都以自己嘅角度去睇，你永遠都會覺得自己做得啱，我會開心，但你有冇企係我個立場去睇？你乜都幫我做，事事都咁順利，其實我想自己親力親為自己做番啲野。

一凡：所以你就要分手？

小玲：係，我想有自己嘅生活。

一凡：（無言）

小玲：我聽日就去外國受訓，你就原諒我嘅任性，忘記我啦。你份人咁好，實會好快搵到個更好嘅女仔。（離場）

一凡：果日佢就咁走左。我真係諗唔到佢個夢想仲重要過我地嘅感情。所以呢，感情唔可以用時間去衡量，最重要的是真誠，我重視佢，先點辛苦都要買到個對鞋送俾佢。

美嘉：我知，呢對鞋係限量發售呀嘛。感情呢樣野，真誠真係好重要。你對感情嘅認真，佢體會唔到係佢走寶。講真，你絕對係一個好情人啦。

一凡：哈！我女朋友從來都有咁讚過我，你好似比我女朋友更了解我，真係諷刺。

美嘉：你乜都同我講，我梗係清楚你啦。

一凡：又係嗱，我做咩會乜都同你講嘅？同你講野好似仲冇比同我女朋友講野距離咁遠。

美嘉：可能我地夾啦。

一凡：應該係你份人係真，呢個世代為左還對鞋而晚晚苦等人的女孩子真係唔多。

美嘉：如果我話係為左見你呢？

一凡：你唔會係鍾意左我掛？

美嘉：嗯。

一凡：吓……吓……

美嘉：咁而家廿一世紀男女平等嘛，女仔都可以做主動掛。

一凡：你唔怕我會利用你當代替品咩？

美嘉：你應該唔會嘅。

一凡：其實呢，我都覺我地幾啱傾，但如果要發展，會唔會係快左啲呢？

美嘉：又係你話感情唔可以用時間衡量？

一凡：咁，不如一個月試用期，到時你發現我有咩缺點頂唔順就可以即刻飛左我。

美嘉：大家認識多啲都好嘅，可能我地會好夾呢。

一凡：亦都可能係我飛你呢。

美嘉：哈！

（王太進場）

毅行叔：歡迎來臨！

王太：你地好呀！咦，又見到你地兩個。

一凡、美嘉：你好！

王太：你地唔會係…

一凡：係呀，都係啱啱嘅事。

美嘉：還在試用期呀嘛。

一凡：哈！

王太：我睇你地實過到試用期啦。

一凡：唔好笑我地啦。

王太：（坐下，細聲自言自語道）又一對新情人。呢個星期老公又去左公幹，阿仔同啲同學今晚又有節目，返到去又係得一個人。唉..

（小藍沒精打采進場）

眾人：你好呀！

美嘉：小姐，小姐！

小藍：（還是沒有回應的坐下來）

（眾人細聲討論）

一凡：佢唔係有咩問題掛？

美嘉：會唔會又係度做緊戲呀？

毅行叔：又係我呢度玩！？唔好掛..

王太：上次仲玩唔夠？不過佢啲戲真係唔錯。

（森豪進場）

一凡：（細聲）第二個主角黎啦，大家睇戲啦。

小藍：你終於肯見我噃？

森豪：你明唔明點解我要分手？

小藍：我點知你呀？唔通你有鍾意過我呀？

森豪：就係呀。我而家就係對你有 **feel** ！

小藍：你對我有 **feel**，咁你當初又同我一齊？

森豪：當初識你係有 **feel** 呀，但識耐左自然就會有 **feel**，好正常姐！

小藍：你當我係咩呀？鍾意玩就玩呀？你講野都好唔負責任、好過份呀！你呀！成日扮野作埋啲賴高深嘅書，最好笑就係你呢個連感情都唔識處理嘅人，會有咁多讀者，啲讀者見到你的真面目肯定憎好失望！

森豪：點都好過你呢個游手好閒，淨係識依靠男人嘅女人！感情就係咁架啦，一開始個陣大家實有 **feel**，到無 **feel** 個陣咪分手囉。

（眾人又細聲討論）

一凡：今之又會演得咁激烈嘅，真係一次比一次好戲。

美嘉：但係今次好似鬧得有點過火。

王太：唔係咁樣點夠迫真呀，上次出左打戲，今次要出內心戲啦。

毅行叔：我淨係覺得呢度好似變左錄影廠..啲戲真係同電視演員有得 **fight**。

小藍：當初係呢度識你仲話咩一個月去試用期去了解對方，結果呢！？你係度扮晒野係度呃我！扮到處處就晒我，好似好關心我咁！

森豪：個時我對你有 **feel**，梗係對你好啦！

美嘉：（細聲同一凡說）一個月試用期？

一凡：我地都有一個月試用期..

美嘉：佢地都係係呢度識，我同你又係係呢度識……

一凡：有冇咁啱呀……

美嘉：我好驚我地而家都有 **feel**，第時會唔會好似佢地咁變左有 **feel** 而分手架..？

一凡：我諗唔會掛..我地要對對方有信心呀。

小藍：你個衰人！分手啦！

森豪：分咪分囉！都費事同你講！

（森豪放下錢結賬離場）

小藍：（坐在痛哭）

一凡：戲都做完啦，駛唔駛咁交足戲呀？

美嘉：好似有啲唔妥喎，唔會係黎真掛？

美嘉：（上前）小姐，小姐你有冇事呀？

小藍：（仍然坐在痛哭）

全劇完

